

## ZOZKETAREN OINARRIAK

### AURREZKLIK &... KONTU BERRIAK IREKITZEA

#### 1.- Erakunde antolatzailea eta saria

Caja Laboral Popular Coop. de Cr ditok —aurrerantzean LABORAL Kutxa—, F75076935 zenbakidun IFK eta helbidea Arrasaten (Gipuzkoan) —Jose Maria Arizmendiarieta, zk.g., 20500— duenak, nazio-mailako ZOZKETA egingo du, 18 urtetik gorako bezeroen artean AURREZKLIK &... kontu berriak irekitzea sustatzeko, 5. atalean, «parte-hartzaileak» izenekoa, jasotakoaren arabera.

#### 2.- Zozketaren esparrua eta doakotasuna

Zozketa hau 1991ko azaroaren 8ko 4/1991 Legeak, Euskal Autonomia Erkidegoan joko arautzen duenak, ezarritakoari jarraikiz antolatu da, eta doakoa eta borondatezkoa izango da. Hortaz, saria eskuratu ahal izateko ez da kuota edo kopuru gehigarririk ordaindu beharko.

#### 3.- Zozketaren xedea eta prozedura

Hiru (3) zozketa egingo dira, eta honako hauek izango dira sariak:

- 150 € kontu irabazle bakoitzeko (dagokion NANA esleitua izan behar du kontuak). Irabazlearen AurrezKlik kontuan sartuko da saria.

Honako baldintza eta egintza hauek guztiak bete behar dituzte erabiltzaileek zozketan parte hartzeko:

- LABORAL Kutxan 2021eko otsailaren 1etik apirilaren 30era bitartean AURREZKLIK &... kontua irekitzen duten 18 urtetik gorako bezeroek —pertsona fisikoek— hartuko dute parte zozketan.
- Kontua irekitzen den datan egiaztatu beharko da gutxieneko adina.
- Irabazleak saria onartzeak eskubidea ematen dio LABORAL Kutxari haren izena eta sari-banaketako argazkiak —halakorik balego— LABORAL Kutxak egoki deritzen baliabide telematikoa edo bitarteko inprimatuetan argitaratzeko, betiere zozketaren emaitza ezagutarazteko xedez.

#### 4.- Iraupena eta eremua

Jarduera hau Espainiako lurraldean gauzatuko da.

Zozketan parte hartzeko epealdia 2021eko otsailaren 1etik apirilaren 30era bitartekoa izango da, biak barne.

#### 5.- Parte-hartzaileak

**Honako hauek hartu ahal izango dute parte zozketan:**

- Espainian bizi diren 18 urtetik gorako pertsona fisikoek, baldin eta AURREZKLIK &... kontu berriak irekitzen badituzte.

**Honako hauek ezingo duten parte hartu zozketan:**

- LABORAL Kutxako langileek, baita taldeko, partaidetzako eta antzeko sozietateetakoek eta kanpainarekin zuzeneko zerikusia duten pertsonak ere.

**LABORAL Kutxako bezeroek ez dute partaidetzarik eskuratzeko edo saria irabazteko eskubiderik izango, baldin eta:**

- LABORAL Kutxaren aurrean berankortasun-egoeran edo bestelako irregulartasun-egoeran badaude zozketa indarrean dagoen bitartean, zozketa egiten den egunean edo saria ematen den unean.
- LABORAL Kutxaren iritzi iruzurrez jokatzeko badute zozketan.

#### 6.- Irabazlea/ak eta ordezkioak aukeratzea, saria jakinaraztea eta ematea

Aurreko 3. atalean zehaztutako sariaren zozketa 2021eko maiatzaren 14an egingo da, ausazko sistema informatikoaren bidez.

Arrazoi justifikatu bat dela eta, zozketa ezin bada egun horretan egin, hurrengo egun baliodunean egingo da.

Saridunek LABORAL Kutxari berretsi beharko diote saria onartzen duten ala uko egiten dioten, telefonoz, posta elektronikoz edo bulegoetan sinatutako hartu-agiriaren bidez, saria argitaratzen eta/edo jakinarazten den datatik gehienez egun natural bateko (1) epean. Entitateak bere datu-basean dituen bezeroaren datuak erabiliko ditu.



Parte-hartzaileak sariari uko egiten badio edo zozketa egin eta 10 egun balioduneko epean ezin izan bada berarekin harremanetan jarri, ez du inolako ordainik jasotzeko eskubiderik izango.

Saritutako bezeroak saria errefusatzeko badu edo hari uko egiten badio, zozketa egiten denetik 10 egun balioduneko epean ezin izan bada berarekin harremanetan jarri, zozketako baldintzak betetzen ez baditu edo aurretik adierazitako baimena ematen ez badu, erreserba-zerrendako lehen postuan dagoen parte-hartzaileari esleituko zaio saria, zozketatik ateratako zerrenda-ordena errespetatuz betiere. Gehienez hiru (3) ordezeko egongo dira. Saridunak ezingo du sari horren ordezkari beste bat eskatu.

Sariduna saria jaso aurretik hil bada, horretarako berariaz aukeratutako ordezkari emango zaio.

## 7.- Sariaren zerga-sistema

Zozketa honetako sariak zerga-tratamendu hau izango du: Pertsona Fisikoen Errentaren gaineko Zergari buruzko 35/2006 Legean, 439/2007 Errege Dekretuan eta kasuan kasuko PFEZren inguruko zerga-araudian aurreikusitakoa. Sariari aplikatuko zaion zerga-atxikipenari dagokion zenbatekoa LABORAL Kutxak ordainduko du.

Era berean, LABORAL Kutxak bere gain hartuko ditu Zerga Administrazioaren aurrean dagozkion informazio-betebeharrak.

## 8.- Iruzkinek edo iritziak argitaratzea

Ez da onartuko iruzkin edo iritzirik, horien edukia desegokizat jotzen bada, iraingarriak, laidogarriak edo diskriminatzaileak badira, edo hirugarrenen eskubideak urra baditzaizkete. Era berean, ez da onartuko partikular baten aurkako iruzkinik, ohorerako, norberaren eta familiaren intimitaterako eta norberaren irudirako eskubidearen printzipioak urratzen baditu. Ez dugu gure gain hartuko inolako erantzukizunik parte-hartzaileek zozketan egiten dituzten iruzkinak eragindako kalteen ondorioz, nahiz eta horiek beste parte-hartzaile batzuen sentzibilitatea mindu.

## 9.- Erreserbak eta mugak

Iruzurra egin dela ulertuko da honako kasu hauetan, adibide gisa baina inolako mugarik jarri gabe: webgunearekin zerikusirik ez duten aplikazioen balizko erabilera detektatzen bada, zerbitzariari abusuzko kontsulta-kopurua egiten bazaio, eta itxuraz abusuzkoak edo/eta asmo txarrekoak diren portaerak antzematen badira.

Zozketan zehar gorabehera horietakoren bat gertatu dela egiaztatzen bada, parte-hartzailea zozketatik kanpo geldituko da automatikoki, eta saria galduko du, eman bazaio.

LABORAL Kutxak ez du bere gain hartuko inolako erantzukizunik, baldin eta saridunek emandako datuetan akatsen bat badago eta horrek haien identifikazioa galarazten badu.

LABORAL Kutxak ez du bere gain hartuko inolako erantzukizunik saria ematean edo hori erabiltzean gerta litezkeen gorabeheren ondorioz, ezta berari ez dagozkion arrazoiengatik parte-hartzaileak saria jasotzean gerta litezkeen atzerapen edo hutsegiteen ondorioz ere.

Pertsonaren batek zozketaren manipulaziotzat edo faltsifikaziotzat har litezkeen edozein egintza egiten badu, LABORAL Kutxak eskubidea izango du haren aurka ekintza judizialak abiarazteko.

LABORAL Kutxak ez du bere gain hartuko inolako erantzukizunik zozketan parte hartzeko erabiltzen diren zerbitzuak aldi baterako erabiltzerik ez egoteagatik edo haien funtzionamendua eteteagatik, erabiltzaileek iruzurrez erabiltzeagatik eta, bereziki baina ez esklusiboki, Internet bidez orrialdeetan sartzean eta parte hartzeko erantzunak bidaltzean izan litezkeen akatsengatik gertatzen diren kalte-galeren ondorioz.

LABORAL Kutxak eskubidea izango du zozketaren xede onerako aldaketak egiteko, horretarako bidezko arrazoiak daudenean edo zozketa oinarri hauetan jasotzen den moduan burutzea galarazten duten ezinbesteko arrazoiak daudenean.

LABORAL Kutxak eskubidea izango du zozketaren iraunaldia luzatzeko edo geroratzeko, baita oinarri hauek interpretatzeko ere.

Halaber, enpresa antolatzaileak ez du bere gain hartuko inolako erantzukizunik aipatutako kasuetako bat gertatzen bada edo saria baliatzean gerta litezkeen kalte-galeren ondorioz.

## 10.- Datuen babesa

Zure datuen tratamenduaz arduratzen den enpresa LABORAL Kutxa da (IFZ: F-75076935; eta egoitza soziala: Jose Maria Arizmendiarieta, zk.g., 20500, Arrasate, Gipuzkoa).

Parte-hartzaileak lege-oinarri hauek onartzen baditu, ulertuko da jakinarazi zaiola LABORAL Kutxak haren datu pertsonalak tratatuko dituela, zozketan parte hartzea tramitatzeke eta, irabazlea izanez gero, sariaren berri emateko, baita saridunaren izena eta/edo irudia argitaratu, erreproduzitu eta hedatzeko ere, LABORAL Kutxak egoki deritzen bitarteko, euskarri eta formatuen bidez (hala nola,



adibide gisa baina inolako mugarik gabe, prentsaren, irratiazen, telebistaren eta Interneten bidez), 2016ko apirilaren 27ko 2016/679 (EB) Erregelamenduak, datu pertsonalen tratamendurako pertsona fisikoen babesari eta datu horien zirkulazio askeari buruzkoak, eta 2018ko abenduaren 5eko 3/2018 Lege Organikoak, Datu Pertsonalak Babesteko eta Eskubide Digitalak Bermatzekoak, xedatutakoaren arabera. Aipatutako jarduera horiek ez dute ordainik edo onurarik jasotzeko inolako eskubiderik emango.

Zure datuak ikusteko, zuzentzeko, ezerezteko eta aurka egiteko eskubideak eta, era berean, datuen tratamendua mugatzeko eta beste leku batera eramateko eskubideak erabili ahal izango dituzu. Horretarako, zure nortasuna egiaztatu beharko duzu (NANaren edo horren pareko agiria emanez) eta [protecciondatos@laboralkutxa.com](mailto:protecciondatos@laboralkutxa.com) helbide elektronikora idatzi, edo, bestela, ohiko postaren bidez honako helbide honetara idatzi: CAJA LABORAL POPULAR COOP. DE CRÉDITO, Jose Maria Arizmendiarieta, zk.g., 20500, Arrasate, Gipuzkoa.

Bezeroen Datu Pertsonalak Babesteko Politika osoa hemen irakur dezakezu:

[www.laboralkutxa.com/eu/datuen-babesa](http://www.laboralkutxa.com/eu/datuen-babesa)

#### 11.- Oinarriak onartzea.

Zozketan parte hartzeak berekin dakar oinarri hauek onartzea. Beraz, parte-hartzaileak adierazten badu oinarri hauek guztiak edo batzuk ez dituela onartzen, zozketatik kanpo geratuko da. Ondorioz, LABORAL Kutxak ez du parte-hartzaile horrekin hartutako obligazioa bete beharko. Oinarri hauek [www.laboralkutxa.eus](http://www.laboralkutxa.eus) webgunean kontsulta daitezke.

#### 12.- Legeria aplikagarria eta jurisdikzioa.

Lege-oinarri hauek Espainiako legearen arabera arautuko dira. Bergarako epaitegi eta auzitegiek izango dute eskumena oinarri hauen baliozkotasunaren, interpretazioaren edo betetzearen inguruan sor litezkeen erreklamazioak edo ezadostasunak ebazteko.